

جریدہ علمیہ

مشیتِ جلیلہٗ اسلامیتِ نابِ جریدہٗ راسمیتِ سید

رمضان ۱۳۲۷

عدو ۴۶

آیدہ بر نشرِ اولنور

دوبئی سنہ

پك بيوك بر تجاوزدر، حسيات اسلاميه بوندن پك زياده رنجيده اولور. بوكا مبنى قصداً، كوز اوكنده اوروج ييا نلره شريعتن اك بيوك بر جزاي ويريور. مبارك رمضانده اوروجه، بتون وظائف دينيه ايفايه چاليش، بتون شمار اسلاميه رعيتكار اول. مسلمان ديارى مسلمان علاقه بولان يردر، مسلمان علامتى بولونميان ير مسلمان ديارى دكلدر، مسلمان ديارى مسلمان شريعتى حاكم اولان يردر، مسلمان شريعتى حاكم اولميان بر مسلمان ديارى دكلدر. دينه صاحب اولميان كيمسه نك دينده قالماز ديارى ده. كليك همز جبل متين الهى به ياپيشلم، غوغايه طوتشميلم، يوخسه طاغيلرز، قوتمز همز اولور، كيدر غيتدن، نيمه دن، افترا دن حاصلى برى ير يمزك قلبنى قيره جق معامله دن صوك دوجه صاقهلم، امين، صميمى، جدى قرداش اولهلم؛ بر بر يمز ياردم ايدهلم، فتنه و فساد دن قاچيهلم، ارده مزده كى منافقلى قالد يردلم، ال بر ليكيله چاليشلم، مدرسه لريمزي، مکتبلريمزي، جامع لريمزي، مؤسسات خيريه مزي خراب اچيهلم. بلا كلديمى يالكمز ظالم لره گلز، ايلرده انك آتشنه ينار، دنيا و آخرت بختيارلقنى تايمين اي دن احكام دينيه به رعيت ايدهلم، نجاتمز انجق اكار عايت ايله حاصل اولور، دنيمزي كاليله اكلان، بيلان، موجي ايله عامل اولان دنيا و آخرتده بختيار اولور. بيوك لريمزه اطاعت ايدهلم، كوچك لريمزه صرحت ايدهلم، مخلوق بارى به شفقت ايدهلم، امر الهى به تعظيم ايدهلم، قلمبزي اصلاح ايدهلم، اخلاقبزي تهذيب ايدهلم، شان و شوكتبزي اعلا ايدهلم، كفران نصتده مسكتي براقلم يوخسه ابدى اسير، ابدى محكوم اوله جفز. همان جناب حق جهله مزي مدد سبب حايسته مظهر بيورسون آمين.

دار الحکمة الاسلاميه اعضا سندن

از ميرلى

اسماعيل صفى

حقيقتى كوردهلم

نبى زيشان اقدمز حضرت تلى بر حديث شريف لرد: جناب حق بر قومك اهلا كنى مراد ايدره اول او قومك افرادى مياننده كى اصحاب عقولك عقل لرينى آلر. بيوريور لر. مدلول حديثك اصابت قطعيه سنى اكلامق ايجون ماضى به دوسر و مسافات بعیده

قطع ایدرک یورولفه حاجت یوقدر . دونکی دیمه لم بزه اوندن دها یقین اولان بو کونکی وقایعه تعبیر اصحیله خایمه نظر امعان ایله باقیله حق اولورسه بو حدیث شریفک قوانین طبیعت درجه سنده حائر قوت ، اونلر کی تخلف نابذیر بردستور حق و حقیقت اولدینی کوریلیر .

جانب اقدس رسالتدن امت مرحومه لرینه احسان بو یوریلان بو تحفه کران قدر لاهوتی بزم ایچون حزر جان ایدمک لازم کلیرکن وا اسفا که مقتضای عالیسندن ذهول دولایسیله عاقبت تضمن ایتدیکی معنائک ماصدق نامی اولدق . سنلردن بری قدومنه انتظار ایدیلن انقلاب اخیرک آن اعلانندن اعتباراً سوء صنیعمر نتیجه سی اوله رق ظهور ایدن احواله بو فکرک صدقنی مؤید دلائل نظریله باقیله بیلیر . فی الحقیقه شو بر قاج سنه نظر قنده دست قضادن باشمزه اوله بلا طاشلری یاغدی که بونلردن بر ستون انشایی ممکن اولایدی ذرومی فلک ذحله تماس ایدر ایدی .

مهرام غمی کز کف ایام کشیدیم

کفتاسیک آشام که جام دیگر آمد

یذق مؤداسنجه بلا بلای تصقیب ابدی . بوندن متأثر، متضرر اولمیان فرد متنفس قالمدی؛ معصومی ده خراب اولدی مجرمی ده . زیرا بریده یانفین ظهور ایدمجه قوری یاش دیمز نه بولورسه یاقار کول ایدر .

آتش اندر بیشه افتد چون نه ترمانده خشک

قلب اسلامده ذوق ایماندن متحصل بر نور شهود واردد ؛ قلب بو نورک اعانه سیله هر شئیئک ظواهرینی کوردیکی کی بواطنی ده کوریر . اصحاب عناد والحادک بصیرتنه عارض اولان عمای کلی بو مشاهده یه مانعدر . اسلام یته بو نورک اعانه سیله توالی مصائبده بطانی ، لدنی عامللر کوریر ؛ بو عواملک قارشیدنده محاسبه نفسه ، مراقبه اعماله لزوم حس ایدر .

ارباب طفیان کلمجه اونلر بلادن متنبه اولمق شوینله دورسون بلکه بلایه تهدی ایدرلر . انجیامکار اونک اک مدهشنه دوجار اوله رق، کسب استحقاق ایتدکلری عاقبت قاووشورلر . آنجاق محاسبه نفسک ، مراقبه اعمالک تفسیری هر شخصک درجه ایمانه ، مرتبه ایقان و هرقانسه کوره در . بو مبحنده حریم شهوده کیرنلرله ، او حریمک خارجنده

قالا نلرك تفسیری آراسنده فرق عظیم وارد ر. محاسبه و مراقبه اصفای مؤمنین طرفندن ویریلن معنای لایینك اقلیت انحصارندن دولایی شمولی عام اولمیشی جهتله شو ایکی کله حتی یالکیز صلاح مادی امرنده دستور تنسیق اولمق اوزره قبول ایدلمش اولسه هر حالده بلایه تمدی ایله چیقماز یوللره کینمکدن چوق خیرلی اولور ایدی . شو سوزلرك خلاصه سی فلاح و نجاهه مظهر اولان امتلر کبی بزده مقتضای عقلدن انحراف ایتمیه لم سوزندن عبارت بر تنبیه منجرور .

کم نعمة زالت بادی زلة

والكل شیئی فی قلبه سبب

عقل صحیحك مقتضیات عیدیه سندن بری ، بلکه برنجیهی دائما کندیسه مسلط اولان عوارض مغفله دن تجرد ایدرك دنیایه کسکین و دوعرو بر نظره باققدور . لکن وقایع جاریه مع التأسف بومهمه نك عکسفی مؤید شواهدله مشحون ! امته یول کوسترمت دعواسیله اورته یه چیقانلرك چوغی کیدیلجك یولی بیلیمور ، یاخود بیلک ایسته میور تلاطم امواج حادثات ارسنده سفینه حیاتمزی ساحل سلامتیه ایصال داعیه سنه دوشنلرك اللرنده کی یوصله نك ارسه سی پک معکوس برسمته متوجه . اویله ظن اولنورکه اگر هم ضال هم مضل اولان بو آلتک کوستردیکی یوله کیدیلجك اولورسه ، سفینه ساحل سلامتیه بدل ، صارب ، بالچین بر قاییه چارپاراق تعمیری غیر قابل دینه جک مرتبه ده قضا زده اوله جقدور .

(من یمشی مع القراب سیرجم الی الخراب) سوزنی سویله ینلر حقیقه چوق دوعرو دوشونملر . زما نمزده بعض کیمسه لرك حصولی تمی ایتدکلری بر سوری واهی امنیه لر اویله باطل اویله مزور شیلردرکه هوای نفسانیلری الیه اتخاذایدن سفها بونلرك ظاهرنده کی صامان بالذریئه الدانه رق منجذب اولسه لر بیله او ساخته بالذیک تحتنده مستر اولان ماده خسیسه نك ماهیتی بیلن اصحاب نهی قطعا اولنوره التفات ایتمز لر .

جوهر مؤثری جهل وجنوندن عبارت بر ترکیب عجیبک تأثیری تحتنده تدویر اموره قالدیشان بش اون غافل ایله مظاهر لرینک سقیم و عقیم اجرائی امت محمدی الیوم شو بولندی هی هاویه خسرا نه سور و کله دی . بوندن عبرت الموق تزلزلدن مصون بر عنهم ایله شو مهلك وضعیندن خلاصمزی تأمینه مدار اوله جق وسائل جدیدی استکماله چالیشمق لازم

مکبر کن بزی دها مدھش وادیلره سور وکله به جک بر طاقم تداییر معکوسه یه توسل ایدلیدیکی کوریلور. ضعیف بنیه ضرک تقویه سنه خادم دوالری ارامق اقتضا ایدلیدیکی حالده اونوی برقات دها مغلوب هزال ایدم جک آبور جو بور شیرله اوضا شیلدینی نظر تأسفه چارپیور. ایشته بونلردن بری ده قادیلق حقنده کی تصورات معکوسه در. اوچوزاللی میلیون اهل اسلامک صواعق تفرینی اوزریمزه یاغديره جنی شه دن وارسته بولنان بو مسئله یه مسائل سیاسیه واجتماعیه ضرک عمده سی نظریله باقیلور. حال بو که مسئله شکل حاضری اعتباریله هیچ ده اوله دکلدور.

بیلیمه یزکه بو مسئله نك بعض افکاره کوره حللی بزی اوروپا نظرنده نه قدر یوکسلده جک. یالکمز شوراسی شه دن وارسته درکه بو صورت حل ملتیزی عالم اسلامه قارشی جوق اجیقلی بر درکیه ایندیره جک. اوروپا بزدن بویه حوپالقلر ایسته میور. بو بزم کنیدی قوروشنومزدور. او بزدن مدنیت لفظنك تضمن ایتدیکی دها عالی، دها جدی مصالری ایسته بور. اوروپا هیچ بر قومك عنفات دینه سنه تعرض ایتمز. حتی دکل بزم، آفریقا و حشیرینك خلاف عقل و منطق عنعنه لرینه بیله بر درجه یه قدر رعایای لازم عد ایدر. بعضیلرینك عصری بر دولت اولمق امکاتی بر طاقم شرائط ضروره یه معلق کورمه. لری او تاویل سخیف ایله کنیدی مضمرات فاسده لرینی تحقق ایتدیرمك املنه خدمتدن باشقه برشی دکل در. تأسف اولتورکه ساحه نظری غایت محدود اولان برشرذمه غافلده بو یوان سوزلره، بو بوش فکرلره محض حقیقت نظریله باقوب آلدانیور. هرملتک هویت ملیه سی دینی، ملی عنفاتیلره قائمدر. بو عنعنه لر آفاق آلتنه اورتده هویت ملیه نامنه صور محسوسه دن طاری بر هیولای بی معنادن باشقه برشی قالماز. زیرا عالمده هرشی کنیدی ماهیتی دائره سنده تکامله نامزددر. بویه اولورسه اوثنی اوثنی اوله رق قالیر. یوق ماهیتدن انصرافه تمایله باشقه بروادی به کیده جک اولورسه یالکمز کنیدی ایچون مقدور اولان تکاملی دکل، بلکه کنیدی موجودیتینه هدر ایدر. واسفا که بو دستوری بدرقه حرکات اتحاد ایدنلرک ناصیه تصوراتنه بر تعصب تماسی اورولمق ایسته نیور. بو ایسه پک بیوک بر حقمنزل قدر؛ چونکه بو مسلک بر تعصب مسلکی اولیوب وادی ترقی به دها مقبول، دها امین بر بولدن کیتمک مسلکیدر. اصل تعصب، بعضی مقاصد خسیسه نك الجا آتیه مغلوب اوله رق بو مسلکک قبضنی التزام ایدنلرک تهردرنده در.

اوت، حق و حقیقت و ادیبسندہ براز محافظہ کارانہ داورانیلیدی، در حال مردہ پرست،
 کهنہ بستہ و سائرہ کبی تمییزات مزینانہ ایلہ سفسطہ پر دازاقہ یا خود مخترات جدیدہ دن
 اولان « قرون وسطی ذہنی » تعبیریلہ مقابلہ یہ قیام اولونیور . بعضیلرینک ادعاری
 وجهلہ فصل کہ علوم و فنونک دینی ایمانی یوقدر ، بعض حقایقک دہ زمان و مکانی یوقدر .
 بو حقیقتلر قرون اولی دہ حقیقت اولدقلری کی قرون وسطادہ حقیقت ایدیلر . بنابرین
 قرون اخیرہ دہدہ مہیتلری غائب ایتیمہ جکلردر ایکی کرہ ایکی حضرت آدم زمانسندہ
 نہ ایسہ بو کون یسہ اودر عقل صحیحک ایجابات مبرمہ سی هیچ بر زمان قوتی غائب
 ایتیمز . کونشک موقت بر مدت ایچون بولوط التندہ قلامسی قیلندن اولدق نور حقیقت دہ
 محدود بر آن ایچون سفسطیات سترہ لرلہ اورتیلہ ییلور . فقط بو استتار ابدی دکلدور .
 البتہ کونک برندہ حائل زائل اولور، کونش میدانہ چیقار . قائل حق ایلہ جہلک افسادینی
 ایکسینک ارمہ سندہ کی فرق ایلہ برابر نہ کوزل تصویر ایدیور : باقیکز نہ دیور « الجاہل
 یفسد لدم تہدیہ للاصلاح مع رغبتہ فی الصلاح والا حق یفسد لانه یتلذذ بالفساد ویتالم
 بحیران الامور علی السداد . »

بو مسئلہ اورتیمہ چیقار انلر هانکی قسمدن در بیلیم . بعض استطاردی فکرلرک
 اتیانیلہ صدودن تباعد ایدر کی اولدق ؟ مقصدہ رجوع ایدلم . بو قاریدہ اوروپا بزدن
 جدیات ایستہ یور دیمش ایدک . بو ادعادہ کی اصاستہ قائلز . جناب پیغمبر تحصیل علم ایچون
 چینہ قدر شد رحل ایتیمہ منری فرمان بو یور مشلر . علم یالکز کتانی قولتوغنہ الوب معلمک
 اوکنده دیز چوککدن عبارت دکلدور . بلاد بعیدہ یہ کیدوب شئون جاریہ یی تدقیق ایتیمک دہ
 بر علمدر ؟ بلکہ علمک اک فائدہ لیمسی اک مہمی دہ بودر .

شو حالہ بزده امر پیغمبرینک بالدلالہ تضمن ایتدیکی شمول واسعدن استفادہ ایلہ
 چینک داها اوتہ سندہ کی زاپونلرک حالہ عطف نظر ایدلم . زیرا پک یقین بر زماندہ
 اوروپا مدنیتی قبول ایدن بو ملت ذکیہ نک وادی تر قیدہ کوسترمش اولدینی خوارق
 معرفت نرم ایچون پک فائدلی بر موضوع ملاحظہ در . بو ملت اوروپا مدنیتی تمامیلہ
 آلمش ، فقط بوکا مقابل عادات و غضات ملیہ سندن بر ذرہ بیلہ فدا ایتیمہ مشدر . بش بیک
 سنہ اولکی زاپون روحی نہ ایسہ اوروح بو کون یسہ اودر . دینہ ادبیاتہ ، صنایعہ باقیکز ؛
 نوعی دائرہ سندہ متکامل بر هویت ملیہ کوریرسکز . اوروپا مدنیتک تمیز جائز ایسہ

میکشایی فوایدند اعظمی استفاده ایله برابر روحی ، قوایی محاسنندن شمه المفه لزوم کورمه مش. ژاپون جیما فصل ژاپون اوله رق قالمش ایسه روحآده ژاپون اوله رق قالمشدرم اوروپا مدینتک تلقیحی دولایسیله بونی برساتیم بیله اوزامدینی کبی چهره سنده ده ادنی بر تحول حصوله کله مشدر .

صنایعه باقیکنز. ذوق بدیعیدن حظکنز وارسه اوصنایمده کی اینجه لکرم عقل وخیاله صیغمایان تصرفلر قارشیسنده حیران دکل، غشی اولور قالبرسکنز . فوق العاده بر بداعتی تضمن ایدن ژاپون صنایعک صور و اشکال خارجیه سندن منزع جوهر تکاملی اوروپا صنایعک جوهر تکاملیه بر ترازوده طارته حق اولور سه کنز ثقلند مساوی بولورسکنز . فقط ، ژاپون بو روحی تجسیم ایچون قابریقه لرند اوروپا ترقیاتک کافه وسائطندن استفاده ایله مشدر .

ادیبانی ده بویه در. ژاپون ، کندی ملتک روحندن قویان احساسندن متأثر اولور. غرب ادبیاتی کوزیله بکلمر ، قولاغیله کوریر . عائله حیاتنده قادیئلرینک توانائی ، طرز تلبسی ذوق ملی محصولدر . خارجه کی نمونه لر اودوقک محصولی اوزرنده هیچ برتأثیر اجرا ایدمه مشدر . روحی ده اویله در .

انفعال نتیجه سنده اتحادی مشروع کوریر . ابا واجدادینک ارواحنه پرستش ایدر . تربیه ملیه سندن ذره تغییر ایتمز .

افراد عائله نک معاملات متقابله لرند ژاپون آدابی جاریدر . مملکتده هیچ برشی یوقدر که ژاپون روحی ، ژاپون ذوقی تمثیل ایتمسون . حال بویه اولمقله برابر اوروپانک کافه ترقیاتی اوراده موجوددر . شوفر قایله که بوترقیات ژاپونلری بلع ایدمه مش؛ ژاپون بوترقیاتی تمثیل ایتمش . بو حقیقی حقیله تفهیم، بو مملکتی حقیله تصویر ایچون بویه اوچ بش سطر دکل، اوچ بش جلد بیله کافی دکلدر. ژاپونلر بزم ایچون شایان تدقیق و مطالعه ر کتاب ناطقددر. سر تمثیلی ، اونلردن اوکر ملی یز . مدینتده اونلرک یاپدینی کبی یاپملی یز . فالاً نه هویت ملیه من قالیر نه ده باشقه بر شپشمز .

ژاپونلرک هویت ملیه لرینی محافظه صورتیه کومتر دکاری اثار ترقیاته قارشو اوروپا لیرده سرفرو برده تسلیم اولیورلر . ژاپونلره : قادیئلرکیزی بویه یا خود شویله تربیه ایدک ، توانلرینی شوشکلده یاپدیرک ، شوالبسه نی کیدیرک ، شولسانلری اوکر دک ، بو علملری تحصیل

ایستدیرک فلان کی فضولی تکایافته بولونمق اونلرک خاطرندن بیلکچمز. ایشته دول معظمه نلک
بایراقلری اراسنده (شمس طالع) لرینی تموج ایستدیرن ژاپونلر بو صورتله هم هویت
ملیه لرینه صاحب همده غربک بوتون مدینتی تمثیل ایله اقصابی شرقه حاکمدرلر. انکلتزه
غربده نه ایسه ژاپونده شرقده اودر. بو معظم دولتک حال وشاننی بزم ایچون نمونه
امثال اولماید. فقط تقاید صوری یوانه کیمکله دکل ، تحلیل روحی منهجه سلوک ایتمکله.
یوقسه ینه مقلدک درکسند قالمق تهلککسی باقیدر . کوزیلورک جناب حق اوقومک
اهلاکنی مراد بویورماش. اگر مراد بویورمش اولسه ابدی اونلکده عقلنی آیر، اونی ده
مسخره اقلرله مشغول ایدر ایدی .

دارالحکمة الاسلامیه اعضا صندن

فیم



دین اسلام

عقیده لری ، اصلری ، نهیلری علمی ومنطقی بر صورتده بوتون احکامی تدقیق
ایدیلکچک ، ترقیات مدنییه مانع اولور بر نقطه سی ، بر ماده سی ، بر حکمی وارمی
ایمش باقالم آکلاشیلاجق .

ایشته اسمندن باشلا یاراق تدقیق ایدیورز : « دین » لغتده کیدیش معناسندر .
« اسلام » لغتدهده تسلیم اولمق وتقویض ایلک معناسندر . بناء علیه « دین اسلام »
تقویض وتوکل سیرتی دیمک اولورک حقیقتده دین بوندن عبارتدر نتکیم قرآن کریمده
« ان الدین عنداه الاسلام » بیورلمشدر .

« دینلرک هپسند توکل واردر .

توکل علم حقل بر نتیجه ضروریه سیدر .

الله تعالی یی بوتون صفاتیه آکلامش اولان بر آدم متوکل اولماسین اولماز .

کهناتی (اسپیریتیزم تظاهراتی) ، رؤیای صادقلری (اویغو حالنده کی الهاملری) ،
حسن قبل الوقوعلری (اویانیق ایکن واقع اولان الهاملری) ، اختلاجلری (اعضا
سکریمه لرینی) (و اشارت طریقله واقع اولان اخبارات عجیبه یی) ، آریلرک علم غیر